

Vanoet de strekke-inalshook schrieven

In een van de groote kraante in Nederland, de NRC, steet elken dag 'n 'ikje'. Dat is n'n onderveending van n'n leazer, henschreven in 120 weurde. Dee 'ikjes' bint aait schreven vanoet n'n ik-inalshook (doarvandan natuurlik 'n naam). Iej komt slagmoals völ an de weet oawer dee 'ik': hoo oald is hee of zee en woar hee of zee vot keump. Dat is umdat 'ikjes' goat oawer onderveending oet 't dagelikse leaven van leu.

Leas hier vuurbeelden van 'ikjes' waarin de strekke van de schriever n'n rol spölt. In al disse vuurbeelden köj zeen hoo de 'ik' n'n onderveending vuurschildert woarin hee of zee in bereuring koomp met 'n luk wat gaans kenteekend is vuur de strekke woarin hee of zee wont.

Bedaenk now zölf n'n onderveending oet oew leaven dee iej as 'ikje' könt goan daalschrieven. Dee onderveending möt wat van doon hebben met de strekke woarin iej wont.

Schrief disse onderveending daal in 'n 'ikje' van op zien heugst 120 weurde.

Loat oew 'ikje' leazen duur wel, dee ok in oewe strekke is opgreuid. Wierkent den leazer oewe onderveending?

Laat oew 'ikje' ok leazen duur wel, dee nich hoeskunnig is met oewe umgeving. Hoo reeageert disse persoon? Is alns ok vuur em dreks begriepelik?